

佚存叢書

叢
563
13



14

唐才子傳卷第一

西域 辛 文房

魏帝著論稱文章經國之大業不朽之盛事年壽有時而盡未若文章詩賦可流傳於無窮也唐代尚宏儒碩彥不可勝數擅美於詩者矣止于家藏月進移遷流淪落亦復不少况乃浮沈宦途隨物卑高沒相半不更多乎崇事奕葉苦思積年心神潛耗之倪耳目及晏曠之際幸成著述更或湖海兵燹仍而欲名垂後世難矣哉夫詩所以動天地感鬼神厚人倫移風俗也發乎情止乎禮而長於世也

木村象市君
贈此書以為
其考紀念
維時明治三
十九年九月
朝書圖



唐才子傳卷第一

西域 辛 文房 撰

魏帝著論稱文章經國之大業不朽之盛事年壽有時而盡未若文章詩賦可流傳於無窮也唐代尚文宏儒碩彥不可勝數擅美於詩者奚止千家歲月推移遷流淪落亦復不少况乃浮沈宦途黽勉卑官存沒相半不更多乎崇事奕葉苦思積年心神游穹厚之倪耳目及晏曠之際幸成著述更或凋零兵火相仍而欲名垂後世難矣哉夫詩所以動天地感鬼神厚人倫移風俗也發乎性情止乎禮義非徒尚辭華

也溯其來源國風雅頌開其端離騷楚辭繼其後蘇李之高妙足以定律建安之邁壯自成一家爛熳於江左濫觴於齊梁皆襲祖泐流坦然明暢鏗鏘愧金石炳煥卻丹青理窮必通因時爲變勿訝於枳橘非士所宜誰別於渭涇投膠自定蓋係乎得失之運焉唐幾三百年鼎鐘挾雅道中間大體三變故詞句有鏤心之人音節得應手之妙於法畢能備於言無所假及其逸度高標餘波遺韻登高能賦閒暇微吟舊格近體古風樂府之類芳沃當代響振前人淡寂無枯悴之嫌華藻無淫妖之忌猶金碧助彩宮商自協

端足以仰繼先型俯開來世清廟之瑟薰風之琴及夫西京禮樂兩晉風流不相下於秋毫也余遐想高情心儀雅化窮其梗概行藏散見錯出卽覽於述作尙昧音容沿彼姓名未辨機軸嘗竊病之頃以端居多暇卻掃閉門游目簡編宅心史集或求詳累帙備考先傳撰擬成篇班班有據以悉全唐之盛用成一
家之言各紀以時定爲先後遠陪公議誰得而誣也如方外高格逃名散人上漢仙侶幽閨綺思雖多難考而亦畧舉梗概天下英奇所見畧似人心相去固亦無多至若觸事興懷隨附篇末異方之士弱冠斐

然狃於見聞豈所能盡敢倡斯盟尙賴同志相與廣焉庶乎作九京於長夢詠一代之清風後來奮飛之士相感百世之下猶期賞音也傳成凡二百七十八篇因而附錄不泯者又一百二十家釐爲十卷名以唐才子傳云有元大德甲辰春引

六帝

夫雲漢昭回仰彌高於宸極洪鐘希叩發至響於咸池以太宗天縱立廟聰明憲德文僖睿姿繼挺俱以萬機之暇特駐吟情奎壁騰輝袞龍浮彩寵是臣下每錫贈酬故上有好者下必甚焉者矣

唐才子傳卷第一目錄

| | | | |
|-----|-----|-----|-----|
| 王績 | 崔信明 | 王勃 | 楊炯 |
| 盧照隣 | 駱賓王 | 杜審言 | 沈佺期 |
| 宋之問 | 劉希夷 | 陳子昂 | 李百藥 |
| 李嶠 | 張說 | 王翰 | 吳筠 |
| 張子容 | 李昂 | 孫逖 | 盧鴻 |
| 王泠然 | 劉慎虛 | 王灣 | 崔顥 |
| 祖詠 | 儲光羲 | | |

| | | | | | | | | | |
|-----------|-----------|-----------|-----------|-----------|-----------|-----------|-----------|-----------|-----------|
| 王績 | 王績 | 王績 | 王績 | 王績 | 王績 | 王績 | 王績 | 王績 | 王績 |
| 字無功 | 字無功 | 字無功 | 字無功 | 字無功 | 字無功 | 字無功 | 字無功 | 字無功 | 字無功 |
| 絳州龍門人 | 絳州龍門人 | 絳州龍門人 | 絳州龍門人 | 絳州龍門人 | 絳州龍門人 | 絳州龍門人 | 絳州龍門人 | 絳州龍門人 | 絳州龍門人 |
| 中子通之弟 | 中子通之弟 | 中子通之弟 | 中子通之弟 | 中子通之弟 | 中子通之弟 | 中子通之弟 | 中子通之弟 | 中子通之弟 | 中子通之弟 |
| 年十五遊 | 年十五遊 | 年十五遊 | 年十五遊 | 年十五遊 | 年十五遊 | 年十五遊 | 年十五遊 | 年十五遊 | 年十五遊 |
| 長安謁楊素 | 長安謁楊素 | 長安謁楊素 | 長安謁楊素 | 長安謁楊素 | 長安謁楊素 | 長安謁楊素 | 長安謁楊素 | 長安謁楊素 | 長安謁楊素 |
| 一坐服其英敏 | 一坐服其英敏 | 一坐服其英敏 | 一坐服其英敏 | 一坐服其英敏 | 一坐服其英敏 | 一坐服其英敏 | 一坐服其英敏 | 一坐服其英敏 | 一坐服其英敏 |
| 目為神仙童子 | 目為神仙童子 | 目為神仙童子 | 目為神仙童子 | 目為神仙童子 | 目為神仙童子 | 目為神仙童子 | 目為神仙童子 | 目為神仙童子 | 目為神仙童子 |
| 隋大業末舉孝廉 | 隋大業末舉孝廉 | 隋大業末舉孝廉 | 隋大業末舉孝廉 | 隋大業末舉孝廉 | 隋大業末舉孝廉 | 隋大業末舉孝廉 | 隋大業末舉孝廉 | 隋大業末舉孝廉 | 隋大業末舉孝廉 |
| 高第除秘書正字 | 高第除秘書正字 | 高第除秘書正字 | 高第除秘書正字 | 高第除秘書正字 | 高第除秘書正字 | 高第除秘書正字 | 高第除秘書正字 | 高第除秘書正字 | 高第除秘書正字 |
| 不樂在朝辭疾 | 不樂在朝辭疾 | 不樂在朝辭疾 | 不樂在朝辭疾 | 不樂在朝辭疾 | 不樂在朝辭疾 | 不樂在朝辭疾 | 不樂在朝辭疾 | 不樂在朝辭疾 | 不樂在朝辭疾 |
| 復授揚州六合縣丞 | 復授揚州六合縣丞 | 復授揚州六合縣丞 | 復授揚州六合縣丞 | 復授揚州六合縣丞 | 復授揚州六合縣丞 | 復授揚州六合縣丞 | 復授揚州六合縣丞 | 復授揚州六合縣丞 | 復授揚州六合縣丞 |
| 以嗜酒妨政 | 以嗜酒妨政 | 以嗜酒妨政 | 以嗜酒妨政 | 以嗜酒妨政 | 以嗜酒妨政 | 以嗜酒妨政 | 以嗜酒妨政 | 以嗜酒妨政 | 以嗜酒妨政 |
| 時天下亦亂 | 時天下亦亂 | 時天下亦亂 | 時天下亦亂 | 時天下亦亂 | 時天下亦亂 | 時天下亦亂 | 時天下亦亂 | 時天下亦亂 | 時天下亦亂 |
| 遂托病瘋輕舟夜遁 | 遂托病瘋輕舟夜遁 | 遂托病瘋輕舟夜遁 | 遂托病瘋輕舟夜遁 | 遂托病瘋輕舟夜遁 | 遂托病瘋輕舟夜遁 | 遂托病瘋輕舟夜遁 | 遂托病瘋輕舟夜遁 | 遂托病瘋輕舟夜遁 | 遂托病瘋輕舟夜遁 |
| 歎曰網羅在天 | 歎曰網羅在天 | 歎曰網羅在天 | 歎曰網羅在天 | 歎曰網羅在天 | 歎曰網羅在天 | 歎曰網羅在天 | 歎曰網羅在天 | 歎曰網羅在天 | 歎曰網羅在天 |
| 吾將安之乃還故鄉 | 吾將安之乃還故鄉 | 吾將安之乃還故鄉 | 吾將安之乃還故鄉 | 吾將安之乃還故鄉 | 吾將安之乃還故鄉 | 吾將安之乃還故鄉 | 吾將安之乃還故鄉 | 吾將安之乃還故鄉 | 吾將安之乃還故鄉 |
| 至唐武德中 | 至唐武德中 | 至唐武德中 | 至唐武德中 | 至唐武德中 | 至唐武德中 | 至唐武德中 | 至唐武德中 | 至唐武德中 | 至唐武德中 |
| 詔徵以前朝官 | 詔徵以前朝官 | 詔徵以前朝官 | 詔徵以前朝官 | 詔徵以前朝官 | 詔徵以前朝官 | 詔徵以前朝官 | 詔徵以前朝官 | 詔徵以前朝官 | 詔徵以前朝官 |
| 待詔門下省 | 待詔門下省 | 待詔門下省 | 待詔門下省 | 待詔門下省 | 待詔門下省 | 待詔門下省 | 待詔門下省 | 待詔門下省 | 待詔門下省 |
| 績弟靜謂績曰 | 績弟靜謂績曰 | 績弟靜謂績曰 | 績弟靜謂績曰 | 績弟靜謂績曰 | 績弟靜謂績曰 | 績弟靜謂績曰 | 績弟靜謂績曰 | 績弟靜謂績曰 | 績弟靜謂績曰 |
| 待詔可樂否 | 待詔可樂否 | 待詔可樂否 | 待詔可樂否 | 待詔可樂否 | 待詔可樂否 | 待詔可樂否 | 待詔可樂否 | 待詔可樂否 | 待詔可樂否 |
| 曰待詔棒薄 | 曰待詔棒薄 | 曰待詔棒薄 | 曰待詔棒薄 | 曰待詔棒薄 | 曰待詔棒薄 | 曰待詔棒薄 | 曰待詔棒薄 | 曰待詔棒薄 | 曰待詔棒薄 |
| 况蕭瑟但良醞 | 况蕭瑟但良醞 | 况蕭瑟但良醞 | 况蕭瑟但良醞 | 况蕭瑟但良醞 | 况蕭瑟但良醞 | 况蕭瑟但良醞 | 况蕭瑟但良醞 | 况蕭瑟但良醞 | 况蕭瑟但良醞 |
| 三升差可戀耳 | 三升差可戀耳 | 三升差可戀耳 | 三升差可戀耳 | 三升差可戀耳 | 三升差可戀耳 | 三升差可戀耳 | 三升差可戀耳 | 三升差可戀耳 | 三升差可戀耳 |
| 待詔江國公聞之 | 待詔江國公聞之 | 待詔江國公聞之 | 待詔江國公聞之 | 待詔江國公聞之 | 待詔江國公聞之 | 待詔江國公聞之 | 待詔江國公聞之 | 待詔江國公聞之 | 待詔江國公聞之 |
| 曰三升良醞未足以絆 | 曰三升良醞未足以絆 | 曰三升良醞未足以絆 | 曰三升良醞未足以絆 | 曰三升良醞未足以絆 | 曰三升良醞未足以絆 | 曰三升良醞未足以絆 | 曰三升良醞未足以絆 | 曰三升良醞未足以絆 | 曰三升良醞未足以絆 |
| 王先生特判日給一斗 | 王先生特判日給一斗 | 王先生特判日給一斗 | 王先生特判日給一斗 | 王先生特判日給一斗 | 王先生特判日給一斗 | 王先生特判日給一斗 | 王先生特判日給一斗 | 王先生特判日給一斗 | 王先生特判日給一斗 |
| 時人呼為斗酒學士 | 時人呼為斗酒學士 | 時人呼為斗酒學士 | 時人呼為斗酒學士 | 時人呼為斗酒學士 | 時人呼為斗酒學士 | 時人呼為斗酒學士 | 時人呼為斗酒學士 | 時人呼為斗酒學士 | 時人呼為斗酒學士 |
| 貞觀初以疾罷 | 貞觀初以疾罷 | 貞觀初以疾罷 | 貞觀初以疾罷 | 貞觀初以疾罷 | 貞觀初以疾罷 | 貞觀初以疾罷 | 貞觀初以疾罷 | 貞觀初以疾罷 | 貞觀初以疾罷 |

王績

績字無功絳州龍門人文中子通之弟也年十五遊長安謁楊素一坐服其英敏目為神仙童子隋大業末舉孝廉高第除秘書正字不樂在朝辭疾復授揚州六合縣丞以嗜酒妨政時天下亦亂遂托病瘋輕舟夜遁歎曰網羅在天吾將安之乃還故鄉至唐武德中詔徵以前朝官待詔門下省績弟靜謂績曰待詔可樂否曰待詔棒薄况蕭瑟但良醞三升差可戀耳待詔江國公聞之曰三升良醞未足以絆王先生特判日給一斗時人呼為斗酒學士貞觀初以疾罷

歸河渚間有仲長子光者亦隱士也無妻子績愛其
真遂相近結廬日與對酌仲有奴婢數人多種黍春
秋釀酒養鳧鴈蒔藥草自供以周易莊老置牀頭無
他用心也自號東臯子雖刺史謁見皆不答終於家
性簡傲好飲酒能盡五斗自著五斗先生傳彈琴爲
詩著文高情勝氣獨步當時撰酒經一卷酒譜一卷
李淳風見之曰君酒家南董也有詩賦等傳世
論曰唐興迨季業治日少而亂日多雖草衣索帶罕
得安居當其時遠釣弋者不走山而逃海斯德而隱
者矣自王君以下幽人間出皆遠遯長往之士危行

言遜重撥禍機塵銖軒冕掛冠引退往往見之置身
炎涼之途托跡黃綺之列雖或累聘邱園勉加冠珮
適足以速深藏於藪澤耳然猶有不能逃白刃死非
命焉夫蹟晦名彰風高塵絕豈不以有翰墨之妙騷
雅之奇美哉文章爲不朽之盛事也恥不爲堯舜民
學者之所同志致君於垂拱懦夫尙知勇爲今則捨
聲利而向栖栖鹿冠烏几便於錦繡之服柴車茅舍
安於丹艧之居藜羹蔬食甘於鼎鼐之烹濁酒清醪
腴於醕醪之奉樵青山漁白水足於佩金魚而紆紫
綬也時有不同也事有不侔也向子平曰吾故知富

唐才子傳 二
不如貧貴不如賤第未知死何知生此達人之言也
易曰遯之時義大哉

崔信明

信明青州人少英敏及長強記美文章高孝基語人
曰崔生才冠一時但恨位不到耳隋大業中爲堯城
令竇建德僭號信明弟仕賊勸信明降節當得美官
不肯從遂踰城去隱太行山中唐貞觀六年詔卽家
拜興勢丞遷秦川令卒信明恃才蹇亢嘗自矜其文
時有揚州錄事參軍滎陽鄭世翼亦驚倨忤物遇信
明於江中謂曰聞君有楓落吳江冷之句仍願見其

餘信明欣然多出舊製鄭覽未終曰所見不逮所聞
投卷於水中引舟而去今其詩傳者數篇而已

王勃

勃字子安太原人王通之諸孫也六歲善辭章麟德
初劉道祥表其材對策高第未及冠授朝散郎沛王
召署府修撰時諸王鬪雞會勃戲爲文檄英王雞高
宗聞之怒斥出府勃旣廢客劍南登山曠望慨然思
諸葛之功賦詩見情又嘗匿死罪官奴恐事洩輒殺
之事覺當誅會赦除名父福時坐是左遷交趾令勃
往省覲途過南昌時都督閻公新修滕王閣成九月

唐才子傳 三
九日大會賓客將令其壻作記以誇盛事勃至入謁
帥知其才因請爲之勃欣然對客操觚頃刻而就文
不加點滿座大驚酒酣辭別帥贈百緘卽舉帆去至
炎方舟入洋海溺死時年二十九勃屬文綺麗請者
甚多金帛盈積家織而衣筆耕而食設構思不精先
磨墨數升則酣飲引被覆面卧及醒援筆成篇不易
一字人謂之腹稿嘗言人子不可不知醫時長安曹
元有秘方勃盡得其術又以虢州多藥草求補參軍
倚才陵傲僚吏疾之有集三十卷及舟中纂序五卷
今行於世○勃嘗遇異人相之曰子神強骨弱氣清
體羸腦骨虧陷瞳神不足秀而不實終非大貴也則
其才長而命短者豈非相乎

楊炯

炯華陰人顯慶六年舉神童授校書郎永隆二年皇
太子舍奠表豪俊充崇文館學士後爲婺州盈川令
卒炯恃才傲物每恥朝士矯飾呼爲麒麟植或問之
曰今假弄麒麟戲者必刻畫其形覆驢上宛然異物
及去其皮還是驢耳聞者甚不平故爲時所忌初張
說以箴贈盈川之行戒其苛刻至官果以酷稱炯博
學善文與王勃盧照隣駱賓王以文辭齊名海內稱

四才子亦曰四傑效之者風盛焉炯嘗謂吾愧在盧
前恥居王後張說曰盈川文如懸河酌之不竭恥王
後愧盧前謙也有盈川集三十卷行于世

盧照隣

照隣字升之范陽人調鄧王府典籤王愛重謂人曰
此吾之相如也後遷新都尉瘞病去官居太白山草
閣得方士立明膏餌之會父喪號慟因而嘔丹其疾
愈甚家貧苦貴官時時供衣藥後去具茨山下買園
數十畝疏潁水周舍復築爲墓偃卧其中自以當高
宗之時尙吏已獨儒武后尙法已獨黃老后封崧山

屢聘賢士己已廢著五悲文以自明手足攣緩不起
行已十年每春歸秋至雲壑煙郊輒輿出戶庭悠然
一望遂自傷作釋疾文有云覆幬雖廣嗟不容乎此
生亭育雖繁恩已絕乎斯代與親屬訣自沈潁水有
詩文二十卷及幽憂子三卷行於世

駱賓王

賓王義烏人七歲能賦詩武后時數上疏言事得罪
貶臨海丞怏怏不得志棄官去文明中徐敬業起兵
欲反正往投之署爲府屬爲敬業作檄傳天下暴斥
武后罪后見讀之矍然曰誰爲之或以賓王對后曰

有如此才不用宰相過也及敗亡命不知所之後宋之問貶還道出錢塘遊靈隱寺月夜行吟長廊下曰鷲嶺鬱岵龍宮隱寂寥未得下聯有老僧燃燈坐禪問曰少年不寐而吟諷甚苦何耶之問曰欲題此寺而思不屬僧笑曰何不道樓觀滄海日門對浙江潮之問終篇曰桂子月中落天香雲外飄捫蘿登塔遠剝木取泉遙雲薄霜初下冰輕葉未凋待人天台寺看余渡石橋僧一聯篇中警策也遲明訪之已不見老僧卽賂寶王也傳聞桴海而去矣後中宗詔求其文得百餘篇及詩等十卷命郗雲卿次序之及百

道判集一卷今傳於世

杜審言

審言字必簡京兆人預之遠裔咸亨元年宋守節榜進士爲隰城尉恃高才傲世見疾蘇味道爲天官侍郎審言集判出謂人曰味道必死人驚問何故曰彼見吾判當羞死耳又曰吾文章當得屈宋作衙官吾筆當得王羲之北面其矜誕類此坐事貶吉州司戶及武后召還將用之問曰卿喜否審言舞蹈以謝令賦歡喜詩稱旨授著作郎爲修文館直學士卒初審言病宋之問武平一往省候曰甚爲造化小兒相苦

尚何言然吾在久壓公等今且死但恨不見替人也
少與李嶠崔融蘇味道爲文章四友有集十卷今不
存但傳詩四十餘篇而已

沈佺期

佺期字雲卿相州人上元二年鄭益榜進士工五言
由協律考功郎受賊長流驩州後召拜起居郎兼修
文館直學士常侍宮中旣侍宴帝詔學士等爲回波
舞佺期作弄辭悅帝詔賜牙緋歷中書舍人佺期嘗
以詩贈張燕公公曰沈三兄詩清麗須讓居第一也
詩名大振○自魏建安迄江左詩律屢變至沈約鮑

照庾信徐陵已務音韻婉轉屬對精緻及佺期之問
又加靡麗旣忌聲病又拘篇法著定格律遂成近體
爛如錦繡學者所宗尙語曰蘇李居前沈宋比肩謂
唐詩變體始自二公猶詩之始自蘇李也有集十卷
今傳於世

宋之問

之問字延清汾州人上元二年進士偉貌辯給甫冠
武后召與楊炯芬直習藝館累轉尙方監丞后遊龍
門詔從臣賦詩左史東方虬詩先成后賜錦袍俄頃
之問獻后覽之嗟賞更奪袍以賜後求北門學士以

唐才子傳 七
有齒疾不許遂作明河篇有明河可望不可親之句以見志諂事張易之坐貶瀧州後逃歸匿張仲之家聞仲之謀殺武三思乃告變擢鴻臚薄遷考功郎復媚太平公主以知舉賄賂狼藉下遷越州長史窮歷剡溪山水置酒賦詩日遊宴賓客雜選睿宗立以無悛悟之心流欽州御史劾奏賜死人言劉希夷之報也徐堅嘗論其文如良金美玉無施不可有集行世

劉希夷

希夷字延芝潁川人上元二年鄭益榜進士時年二十五射策有文名苦吟詠特善閨帷之作詞情哀怨多依古調體勢與時不合不爲世所重希夷美姿容好談笑善彈琵琶飲酒至數斗不醉落魄不拘常檢嘗作白頭吟一聯云今年花落顏色改明年花開復誰在旣而歎曰此語讖也石崇謂白首同所歸復何以異乃除之又吟曰年年歲歲花相似歲歲年年人不同復歎曰死生有命豈由此虛言乎遂併存之舅宋之問酷愛後一聯知其未傳於人懇求之許而竟不與之問怒其誑已使奴以土囊壓殺於別舍時未及三十人悉憐之有集十卷及詩集四卷今傳○希夷天性俊爽才情如此想其事業勲名何所不至孰

知優蹇之運遭逢惡人寸祿不霑長材折挫斯才高
而見忌者也賈生悼長沙之屈禰衡痛江夏之來倏
焉折首無何殞命以隋侯之珠彈千仞之雀所較者
輕所失者重玉迸松摧良可惜也況於骨肉相殘者
乎

陳子昂

子昂字伯玉梓州人開耀二年許且榜進士於年十
八時未知書以富家子任俠尙氣才博後入鄉校感
悔卽於州東南金華山觀讀書痛自修飾精窮墳典
耽愛黃老易象光宅元年詣闕上書諫靈駕入京召

見武后奇其才遂拜麟臺正字令云地藉英華文稱
曄曄累遷拾遺聖曆初解官歸會父喪廬塚次縣令
段簡貪殘聞其富遂詐誣子昂脅取賂二十萬緡猶
薄之遂送獄子昂自筮卦驚曰天命不祐吾殆窮乎
果死獄中年四十三子昂貌柔雅性情躁急輕財好
施篤朋友之義唐興文章承徐庾餘風天下祖尙子
昂始變雅正初爲感遇詩三十章王適見而驚曰此
子必爲海內文宗猶是知名凡所著論世以爲法詩
調尤工嘗勸后興明堂太學以調元氣與遊英俊多
秉權衡柳公權評曰能極著述克備比興唐興以來

子昂而已有集十卷今傳○嗚呼古來材大或難爲
用象以有齒卒焚其身信子昂之謂歟
李百藥字重規定州人幼多病祖母以百藥名之七歲
能文襲父德林爵會高祖招杜伏威百藥勤朝京師
中道而悔怒飲以石灰酒因大痢幾死旣而宿病皆
愈貞觀中拜中書舍人遷太子庶子嘗侍帝同賦帝
京篇手詔褒美曰卿何年老而才猶壯齒宿而意還
新乎百藥之才天下推服好獎薦後進藻思沈鬱詩
尤所長有集傳世

李嶠

嶠字巨山趙州人十五通五經二十擢進士累遷爲
監察御史武后時同鳳閣鸞臺平章事後因罪貶廬
州別駕卒嶠富才思有所著作人輒傳諷明皇將幸
蜀登花萼樓使樓前善水調者奏歌歌曰山川滿目
淚霑衣富貴榮華能幾時不見只今汾水上惟有年
年秋鴈飛帝慘愴移時顧侍者曰誰爲此對曰故宰
相李嶠之詞帝曰真才子不待終曲而去嶠前與王
勃楊炯接踵後與崔融蘇味道齊名及諸人沒推爲
文章宿老學者取法焉集五十卷雜詠詩十二卷單

唐才子傳
提詩一百二十首張方爲註傳於世

張說
說字道濟洛陽人垂拱四年舉學綜古今科中第三等考策日封進授太子校書令日張說文思清新藝能優絕金門對策已居高科之首銀榜效官宜申一命之秩後累遷鳳閣舍人睿宗時兵部侍郎平章事開元十八年終左丞相燕國公說敦氣節重然諾爲文精壯長於碑誌朝廷大述作出其手詩法特妙晚謫岳陽詩益悽婉人謂得江山之助今有集三十卷行于世子均開元四年進士亦以詩鳴

王翰

翰字子羽并州人景雲元年盧逸下進士及第遂舉直言極諫又舉超拔羣類科少豪蕩恃才不羈喜縱酒樞多名馬家蓄妓樂翰寓意立言自比王侯日聚英傑縱禽擊鼓爲歡張嘉貞爲本州長史厚遇之翰飲酒歌舞神氣之間愈覺軒舉張說尤加禮異及輔政召爲正字擢駕部員外郎說罷翰出爲仙州別駕以窮樂畋飲貶嶺表道卒翰工詩多壯麗之詞文士祖詠杜華等嘗與遊從華母崔氏云吾聞孟母三遷吾今欲上居使汝與王翰爲隣足矣其才名如此燕

公論其文如瑠杯玉學雖爛然可珍而多玷缺云有集今傳○太史公恨古布衣之俠湮沒無聞以其義出存亡生死之間而不伐其德千金駟馬視如草芥信哉名不虛立也觀王翰之氣概其若人之儔乎

吳筠

筠字貞節華陰人通經義美文辭舉進士不中隱居南陽倚帝山爲道士天寶中玄宗遣使詔至京師與語甚悅勅待詔翰林獻玄綱三篇帝問道對曰深於道者惟老子五千言其餘徒費紙墨耳復問神仙冶鍊之術曰此野人之事積歲月求之非人主所宜留

意筠每陳說名教世務帝重之初筠愛會稽山水往來天台剡中與李白孔巢父相遇唱酬至是因薦於朝帝卽遣使召之筠性高鯁其待詔翰林時恃承恩顧高力士素奉佛嘗短筠於上前筠故多著賦文深詆釋氏頗爲通人所譏云後知天下將亂苦求還崧山詔爲立道觀大曆間卒弟子謚爲宗元先坐善爲詩有集十卷權德輿序之

張子容

子容襄陽人開元元年常無名榜進士仕爲樂城令初與孟浩然同隱鹿門山爲死生交唱答詩篇頗多

後值亂離流寓江表嘗送內兄李錄事歸故里云十年多難與君同幾處移家逐轉蓬白首相逢征戰後青春已過亂離中行人杳杳看西日歸馬蕭蕭向北風漢水楚雲千萬里天涯此別恨無窮後竟棄官歸舊業有詩集興趣高遠吐棄凡庸當時哲匠咸稱道焉

李昂

昂開元二年王立下狀元及第天寶間仕爲禮部侍郎知貢舉獎拔寒素甚多工詩有戚夫人楚舞歌一篇播傳人口真佳作也

孫逖

逖博州人幼而有文屬思警敏援筆成篇開元二年舉手筆俊拔哲人奇士隱淪屠釣及文藻宏麗等科第一人及第玄宗引見擢左拾遺集賢殿修選改考功員外郎遷中書舍人與顏真卿李萃蕭穎士皆同時稱海內名士仕終刑部侍郎善詩古調今格悉爲所長集二十卷今傳

而大盧鴻 鴻字浩然隱居崧山博學善八分書工詩兼畫山水樹石開元初玄宗備禮徵再三不至詔曰鴻有秦一

之道中庸之德鉤深致遠確乎自高詔書屢下每有
託辭使朕虛心引領于今有年雖得幽人素履之蹤
而失考父滋恭之誼禮有大倫君臣之義不可廢也
有司其齋束帛之具重宣茲旨想其翻然易節副朕
意焉鴻遂至東都謁見不拜宰相問狀答曰禮者忠
信所溥臣敢以忠信見帝召升內殿置酒拜諫議大
夫固辭復下詔許還山將行賜隱居服官營草堂鴻
到山中廣精舍從學者五百人及卒詔賜萬錢營葬
後皮日休爲七愛詩謂傲大君者斯乃真隱盧徵君
是也工詩今傳甚多

王洽然

洽然山東人開元五年裴耀卿榜進士授將仕郎遷
太子校書郎工文及詩氣質豪爽當言無所回忌乃
卓犖奇才濟世之器惜其不大顯而終有集今傳

劉慎虛

慎虛崧山人姿容秀麗九歲屬文上書召見拜童子
郎開元十一年徐徵榜進士調洛陽尉遷夏縣令性
高古脫略勢利嘯傲風塵後欲卜隱廬阜不果交遊
多山僧道侶爲詩情幽興遠思雅詞奇或有所得便
驚衆聽當時東南高唱者數十人聲律婉轉無出其

唐才子傳 卷一
右惟氣骨不逮諸公永明以還端可傑立江表且善
方外之言惜年不永天碎國寶有志不就良可慨也
集今傳世

王灣

灣開元十一年常無名榜進士與學士綦母潛契合
詞翰早著爲天下所稱往來吳楚間多有著述如江
南意一聯云海日生殘夜江春入舊年有詩以來罕
有此作張燕公手題於政事堂每示能文令爲楷式
曾奉使登終南山有賦志趣高遠識者不能棄焉

崔顥

顥汴州人開元十一年源少良下進士及第天寶中
爲尙書司勳員外郎少年爲詩意浮豔多陷輕薄晚
節忽變常體風骨凜然一規於正卓然稱名大家往
往並驅江鮑後遊武昌登黃鶴樓感慨賦詩及李白
來曰眼前有景道不得崔顥題詩在上頭無作而去
爲哲匠斂手云然其行稍乖好蒲博嗜酒娶妻擇美
者稍不愜卽棄之凡易三四初李邕聞其才名虛舍
邀之顥至獻詩首章云十五嫁王昌邕叱曰小兒無
禮不與接而人顥苦吟詠當病起清虛友人戲之曰
非子病如此乃苦吟詩瘦耳遂爲口實天寶十三年

卒有詩一卷今傳

不祖詠

詠洛陽人開元十二年杜綰榜進士有文名商璠評其詩尖刻靜細用思良苦氣雖不旺格調頗高足稱爲才子也少與王維爲吟侶維在濟州寓官舍贈祖三詩有云結交三十載不得一日展貧病子旣深契闊余不淺蓋亦流落不偶極可傷也後移家歸汝墳間別業以漁樵終有詩一卷傳於世

儲光羲

光羲兗州人開元十四年嚴廸榜進士有詔中書試

文章嘗爲監察御史值安祿山陷長安輒受僞署賊平後自歸貶死嶺南工詩格高調逸趣遠情深屏去常言得風雅之體推先正之型覽者猶聽韶濩音一洗桑濮耳有集七十卷正論十五卷九經分義疏二十卷並傳

唐才子傳卷第一

唐才子傳卷第二目錄

包融

崔國輔

盧象

韋述

綦母潛

王昌齡

辛霽

常建

賀蘭進明

崔署

陶翰

王維

裴迪 崔興宗

薛據

劉長卿

李穆

李季蘭

劉媛

劉雲

鮑君徽
張窈窕

崔仲容

元涓

薛縕

縕氏

崔公達

裴羽仙

劉瑤

常浩

浩氏

姚月華

譚意哥

張夫人

張文姬

姬氏

葛鵑兒
趙氏

崔鸞鸞

薛媛

閻防

李頎

李頎

張諶

孟浩然

邱爲

李白

杜甫

鄭虔

高適

沈千運

孟雲卿

唐才子傳卷第二

融延陵人開元間仕歷大理司直與叅軍殷遙孟浩

然尤交厚工詩二子何佶繼起與父齊名當時號三

包有詩一卷行世○夫人之於學苦心既難成名不
易能苦心成名而見於父子兄弟間則尤難歷觀唐
人父子如三包六竇張碧張瀛顧況非熊章孝標章
碣公孫如杜審言杜甫錢起錢珣温庭筠温憲兄弟
及皇甫冉皇甫曾李宣古李宣遠姚係姚倫等皆聯

玉無瑕清塵遠播芝蘭繼芳竟無改於父道箕裘克
紹庶不墜其祖風四難之間揮塵之際亦可以爲美
談矣

崔國輔

國輔山陰人開元十四年嚴廸榜進士與儲光羲綦
母潛同時舉縣令累遷集賢直學士禮部郎中天寶
間坐是王鉷近親貶竟陵司馬有文及詩詞意清超
深宜諷詠樂府短章古人有不能過也初至竟陵與
處士陸鴻漸遊三歲交情至厚諱笑永日又相與較
定茶水之品臨別謂羽曰予有襄陽太守李愷所遺
白驢烏犂牛各一頭及盧口所遺文槐書函一枚此
物皆已之所惜者宜野人口蓄故特以相贈雅意高
情一時所尙有酬酢之歌詩并集傳焉

盧象

象字緯卿汶水人鴻之姪也携家來居江東最久仕
爲校書郎左拾遺膳部員外郎曾就祿山僞官貶永
州司戶參軍後爲主客員外郎工詩名譽充秘閣雅
而不素有大體得國士之風集二十卷今傳同仕有
韋述爲桑泉尉時詔求逸書命述等編校於朝元殿
後爲翰林學士有詩名今亦傳焉

綦母潛

潛字孝通荆南人開元十四年嚴迪榜進士及第授宜壽尉遷右拾遺入集賢院待制復授校書終著作郎與李端同工詩骨秀神清思幽興遠善寫方外之情歷代未有荆南分野數百年來獨秀斯人後見兵亂官況日非挂冠歸隱江東別業王維有詩送之曰明時久不達棄置與君同天命無怨色人生有素風一時文士咸賦詩祖餞榮甚有集一卷行世

王昌齡

昌齡字少伯太原人開元十五年李嶷榜進士授汜水尉又中宏辭遷校書郎後以不謹細行貶龍標尉以刀火之際歸鄉里爲刺史閩邱曉所忌而殺後張鎬按軍河南曉愆期將戮之辭以親老乞恕鎬曰王昌齡之親誰與養之乎曉大慚沮昌齡工詩縝密而思清時稱詩家夫子王江寧蓋嘗爲江寧令也初與文士王之渙辛漸交友至深皆出模範其名重如此有詩集五卷又述作詩格律境思體例共十四篇爲詩格一卷又詩中密旨一卷及古樂府解題一卷今並傳○自元嘉以還四年之內曹劉陸謝風骨頓減逮儲光羲王昌齡挽其頽靡兩賢氣同而體稍別王

君尤多奇句俊格驚耳駭目奈何晚途不謹小節謗議沸騰兩竄遐荒使知音者喟然長歎失全歸之道不亦痛哉

常建

建長安人開元十五年與王昌齡同榜登科大曆中授盱眙尉仕頗不如意遂放浪琴酒往來太白紫閣諸峯有肥遯之志嘗採藥仙谷中遇女子遍體綠毛自言是秦時宮人亡入山中食松葉遂不飢寒因授建微旨得養生法後寓鄂渚招王昌齡張僨同隱獲大名於當時集一卷傳○古稱高才而無貴仕誠哉是言曩劉楨死於文學鮑照卒於參軍今建亦淪於一尉悲夫建構思既精措詞亦警每喜空闊似初由康莊漸從野徑百里之外再歸大道旨趣高遠出人意表可謂一唱而三歎者矣

賀蘭進明

進明開元十六年虞咸榜進士及第仕爲御史大夫肅宗時出爲河南節度使時祿山羣黨未平嘗帥師屯臨淮備敵竟亦無功進明好古博雅經籍滿腹其所著述一百餘篇頗窮天人之奧又有古詩樂府等數十篇大體符於阮公皆今所傳者

崔署

署宋州人少孤貧不應薦辟志況踈爽擇交於方外苦讀書高栖少室山中與薛據友善工詩言詞款曲情興悲涼送別登樓諸作俱堪淚下集傳于今也

陶翰

翰潤州人開元十八年崔明允下進士及第次年申博學宏詞與鄭昉同時官至禮部員外郎爲詩詞筆雙美旣多興致復備風骨三百年以前方可論其裁製大爲當時所稱今有集相傳

王維

維字摩詰太原人九歲知屬辭工草隸嫺音律岐王重之維將應舉岐王謂曰子詩清越者可錄數篇琵琶新聲能度一曲同詣九公主第維如其言是日諸伶擁維獨奏主問何名曰鬱輪袍因出詩卷主曰皆我習諷謂是古作乃子之佳製乎延於上座曰京兆得此生爲解頭榮哉力薦之開元十九年狀元及第擢左拾遺遷給事中賊陷兩京駕出幸維扈從不及爲所擒服藥稱瘖病祿山愛其才逼至洛陽供舊職拘於晉施寺賊宴凝碧池悉召梨園諸工合樂維痛悼賦詩曰萬戶傷心生野煙百官何日再朝天秋槐

唐才子傳 卷一 王維
花落空宮裏疑碧池頭奏管絃時皆知維屈賊賊平
後爲僞官者悉定罪獨維得免仕至尚書右丞維詩
高妙入神畫思亦然至山水平遠雲勢石色皆天機
所到非學而能自題詩云當代謬詞客前身應畫師
後人評維詩中有畫畫中有詩信哉客有以按樂圖
示維者曰此霓裳第三疊最初指也對曲果然篤志
奉佛蔬食素衣喪妻不再娶孤居三十年別墅在藍
田縣南輞川亭館相望嘗自寫其景物奇勝日與文
士邱爲裴迪崔興宗遊覽賦詩琴樽自樂後表宅請
以爲寺臨終作書辭親友停筆而化代宗訪維文章
弟縉集詩賦等十卷上之今傳于世

薛據

據荆南人開元十九年王維榜進士天寶六年又中
風雅古調科第一人於吏部參選據自恃才名請受
萬年錄事流外官訴宰執以爲赤縣是某等清要據
無媒改涉縣令後仕歷司議郎終水部郎中據爲人
骨鯁有氣節其所爲文亦然造句往往追凌鮑謝嘗
自傷不得早達故好棲遁高隱鍊藥晚歲置別業終
南山下老焉有集今傳

劉長卿

長卿字文房河間人少居嵩山讀書後移家來鄱陽最久開元二十一年徐徵榜及第至德中歷監察御史以檢校祠部員外郎出爲轉運使判官知淮西岳鄂轉運留後觀察使吳仲孺誣奏非罪繫姑蘇獄久之貶潘州南巴尉會有爲辯之者量移睦州司馬終隨州刺史長卿清才冠世頗凌浮俗性剛多忤權門故兩逢遷斥人悉冤之詩筆倜儻鍊氣歸神其自賦傷而不怨足以發揮風雅權德輿稱爲五言長城長卿嘗謂今人稱前有沈宋王杜後有錢郎劉李李嘉祐郎士元何得與余竝驅每題詩不言姓但書長卿以天下無不知其名者也灞陵碧澗有別業今有詩賦文詞傳世淮南李穆有清才公之壻也

李季蘭

季蘭名冶以字名峽中人女道士也美姿容神情蕭散專心翰墨善彈琴尤工格律當時才子相誇纖麗殊少妖豔之態始年六歲時作薔薇詩云經時不架卻心緒亂縱橫其父見曰此女聰穎非常恐爲失行婦人後以筆墨交遊文士微遭物議於輕薄之口夫士有白行女唯四德季蘭則不然形氣旣豪詩情亦放自鮑昭以下罕有其倫時往來剡中與山陰陸羽

皎然上人意甚相得皎然嘗有詩云天女來相試將
花欲染衣禪心竟不起還捧舊華歸其諠浪至此又
嘗會諸賢於烏程開元寺知河間劉長卿有陰重之
疾誚曰山氣日夕佳劉應聲曰衆鳥欣有託舉坐大
笑論者兩美之天寶間玄宗聞其詩才詔赴闕留宮
中月餘優賜甚厚遣歸故山評者謂上比班姬則不
足下比韓英則有餘不傷遲暮亦一俊媪有集今傳
於世○論曰詩詠關雎樂得淑女以配君子憂在進
賢不淫其色哀窈窕思賢才而無傷害之心焉故古
詩之道各存六義然終歸于正不離乎雅是故昔賢
婦人寄情文墨斑斑簡牘概而論之卽如班姬傷秋
扇之暫恩謝娥詠飛絮而比雪大家七誠執者身修
蔡琰胡笳聞而心折率以明白之操徽美之誠欲見
於悠遠寓文以宣情含毫而見志豈泛濫之故使人
擊節陶情淑性昔人誠有取焉噫筆墨固非女子之
事亦在用之如何耳苟天性所鍾而過中失正則詞
爲自獻之具詩有妬情之作衣服酒食無閒淨之容
鉛華膏澤多鮮飾之態是播惡於衆自誤聰明何關
睢之義哉歷觀唐以雅道獎士類而閨閣英姿亦多
熏染錦心繡口蘭質蕙情雅足尙矣其間如李季蘭

魚玄機皆躍出方外修清淨之教陶寫幽懷留連光景逍遙閒暇之功無非雲水之念珠往瓊復與名儒比隆然浮豔委託之心終不能淨白璧微瑕惟在此耳薛濤流落歌舞以靈慧獲名當時亦云難矣三者既不可畧如劉媛劉雲鮑君徽崔仲容道士元淳薛縕崔公達張窈窕程長文梁瓊廉氏姚月華裴羽仙劉瑤常浩葛鵬兒崔鸞鸞譚意哥戶部侍郎吉中孚妻張夫人鮑參軍妻文姬杜羔妻趙氏張建封妾盼盼南楚材妻薛媛等皆能華藻才色擅美一時或望幸離宮傷寵後掖或以從征萬里斷絕音書或戍役連年迢遙關塞或爲蕩子妻或爲商人婦花雨春夜月露秋天玄鳥將歸賓鴻來屆搗錦石之流黃織廻文於綉綺魂夢飛遠關山到難當此時也濡毫命素寫怨書懷一語一聯俱堪墮淚至若間以丰麗雜以纖穠導淫奔之約敘久曠之情不假綠琴但飛紅紙其間不能免焉尺有短而寸有長故未可以一概論也

閩防

防河中人開元二十二年李琚榜及第顏真卿甚敬愛之欲薦於朝不屈爲人好古博雅詩宗真素神清

唐才子傳 卷一
氣爽放曠山水高情孤詣於終南山豐德寺結茅茨
讀書百丈溪是其隱處題詩云浪蹟弃人世還山自
幽獨始傍巢由蹤吾其獲心曲又云養閒度人事達
命知止足不學魯國儒俟時勞伐輻竟信命不務進
取以此自終有詩集行世

李頎

頎東川人開元二十三年賈季鄰榜進士及第調新
鄉縣尉性疎簡厭薄世務慕神仙服餌丹砂期輕舉
之道結契風塵之外一時名輩咸重之工於詩發調
既清修辭亦秀雜歌俱善立理最長多爲放浪之語
直可怡曠心神惜具偉材只膺黃綬故時論家祇推
爲文壇作手云有集今傳

張諶

諶永嘉人初隱少室下閉戶精修志甚勤苦不及聲
利後應舉官至刑部員外郎明易象善草隸兼畫山
水詩格高古與李頎友善事王維爲兄皆爲詩酒丹
青之契維贈詩云屏風誤點惑孫郎團扇草書驚內
史李頎贈曰小王破體閑支策落月梨花空照壁詩
堪記室妬風流畫與將軍作勅敵天寶中謝官歸故
山偃仰不復來人間矣有詩傳世

孟浩然

浩然襄陽人少好節義詩工五言隱鹿門山卽漢龐
公棲隱處也年四十遊京師諸名士嘗集秘省聯句
浩然曰微雲淡河漢踈雨滴梧桐衆欽服張九齡王
維極稱道之維待詔金鑾一旦私邀入省商風雅俄
報元宗臨幸浩然錯愕伏匿床下維不敢隱因奏聞
帝喜曰朕素聞其人而未見也詔出再拜帝問曰卿
將詩來耶對曰偶未齋卽命吟近作誦至不才明主
棄多病故人疎之句帝慨然曰卿不求仕朕何嘗棄
卿奈何誣我因命放還南山後張九齡署爲從事開

元末王昌齡遊襄陽時新病起相見甚歡浪情宴諱
卒不得志食鮮勤疾而終○古稱禰卒不遇趙壹無
祿觀浩然磬折謙退才名日高而終身不偶悲夫其
爲詩文采丰茸經緯綿密半遵雅調全削凡近所著
三卷今傳王維畫浩然像於郢州築浩然亭咸通中
鄭緘謂賢者名不可斥更名曰孟亭今存焉

邱爲

爲嘉興人事繼母孝有靈芝生堂下累舉不第歸山
讀書數年天寶初劉單榜登進士王維甚稱許之嘗
與唱和累官至太子右庶子時年八十餘母猶無恙

給俸祿之半觀察使韓滉以爲致仕官給祿所以惠
養老臣不可於爲而異唯罷春秋羊酒初還縣令謁
之爲候門磬折令坐方拜里胥立庭下旣出乃敢坐
經縣署降馬而過舉動有禮卒年九十六有集行世

李白

白字太白山東人母夢長庚星而誕因以名之十歲
通五經自夢筆頭生花後天才瞻逸喜縱橫擊劍爲
任俠輕財好施爲客任城與孔巢父韓準裴政張叔
明陶沔居徂徠山中日沈飲號竹溪六逸天寶初自
蜀至長安以所爲詩文投賀知章賀讀至蜀道難歎

曰子謫仙人也乃解金龜換酒終日相樂遂薦於元
宗召見金鑾殿論時事因奏頌一篇帝喜賜食親爲
調羹詔供奉翰林嘗大醉上前草詔使高力士脫鞵
力士恥之摘其清平調中飛燕事以激怒貴妃帝每
每與宮妃輒沮之白益傲放與賀知章李適之汝陽
王璣崔宗之蘇晉張旭焦遂爲飲中八仙人懇求還
山賜黃金詔放歸白浮遊四方欲登華山乘醉跨驢
經縣治宰不知怒引至庭下曰汝何人敢無禮白供
狀不書姓名曰曾令龍巾拭吐御手調羹貴妃捧硯
力士脫鞵天子門前尙容走馬華陰縣裏不得騎驢

唐才子傳 卷一
三
宰驚愧拜謝曰不知翰林至此白長笑而去嘗乘舟
與崔宗之自采石至金陵著宮錦袍坐舟上傍若無
人祿山反明皇在蜀永王璘節度東南白時卧廬山
辟爲僚佐璘起兵反白逃還彭澤璘敗累繫潯陽獄
初白遊并州見郭子儀奇之曾救其死罪至是郭子
儀請官以贖詔長流夜郎白晚節好黃老度牛渚磯
乘酒捉月沈水中初說謝家青山今墓在焉有文集
二十卷行世○或云白涼武昭王暠九世孫也

杜甫

甫字子美京兆人審言生閑閑生甫少貧不自振客
吳越齊趙間李邕奇其才先往見之舉進士不第因
困長安天寶三載元宗朝獻太清宮饗廟及郊甫奏
賦三篇帝奇之使待詔集賢院命宰相試文章擢河
西尉不拜改右衛率府胄曹參軍數上賦頌高自稱
道且言先臣恕預以來承儒守官十一世迨審言以
文章顯臣賴緒業自七歲屬辭且四十年然衣不蓋
體常寄食於人竊恐轉死溝壑伏惟天子哀憐之若
令執先臣故事拔擢於泥塗則臣之述作雖不足鼓
吹六經先鳴數子至沈鬱頓挫隨時敏給揚雄枚臯
可企及也有臣如此陛下其忍棄之會祿山亂天子

入蜀甫避走三川肅宗立自鄜州羸服欲奔行在爲賊所得至德二年亡走鳳翔上謁拜左拾遺與房琯爲布衣交琯時敗兵又以琴客董廷蘭之故罷相甫上疏言罪細不宜免大臣帝怒詔三司雜問宰相張鎬曰甫若抵罪絕言者路帝解不復問時所在寇奪甫家寓鄜彌年艱窶孺弱至餓死因許甫自往省視從還京師出爲花州司功叅軍關輔飢輒棄官去客秦州負薪拾橡栗自給流落劔南營草堂成都西郭浣花溪名補京兆功曹參軍不至會嚴武節度劔南西川往依焉武再帥劔南表爲參謀檢校工部員外郎武以世舊待甫甚善親詣其家甫往見時或不巾且性褊躁傲誕常醉登武牀瞪視曰嚴挺之乃有此兒武中銜之一日欲殺甫集吏於門武將出冠鉤於簾者三左右走報其母力救得止崔旰等亂甫往來梓夔間大厯中出瞿塘泝沅湘以登衡山因客來陽遊嶽祠大水暴至涉旬不得食縣令具舟迎之乃得還爲設牛炙白酒酣飲大醉卒年五十九甫放曠不自檢好論天下大事高而切中也與李白齊名時號李杜數嘗寇亂挺節無所汗爲歌詩傷時撓弱情不忘君人皆憐之墳在岳陽有集六十卷及潤州刺史

樊晃所纂小集今並傳○能言者未必能行能行者未必能言觀李杜二公踣躡板蕩之秋假詩以鳴衰貶得失忠孝之心昭著千古騷雅之妙並振當時兼眾善於來今集大成於往作歷世之下想見風徽惜乎長轡未騁奇才並屈竹帛少色徒垂空言嗚呼哀哉昔謂杜之典重李之飄逸神聖之際二公造焉觀於海者難爲水遊李杜之門者難爲詩斯言信哉

京師鄭虔之一日始錄南梁史外門左雜出賦

虔鄭州人高士也蘇許公爲宰相申以忘年之契薦爲著作郎嘗以當世事著書八十餘篇有告虔私撰國史者虔倉惶焚之坐謫十年元宗愛其才開元二十五年爲更置廣文館虔爲博士廣文博士自虔始與李白杜甫交最密杜贈詩曰才名四十年坐客寒無瓊惟有蘇司業時時與酒錢其窮飢輒軻淡如也好琴酒吟詠善圖山水能書苦無紙於慈恩寺貯柿葉數屋逐日就書殆遍嘗自寫其詩并畫表獻之元宗大署其尾曰鄭虔三絕由是名噪一時多稱鄭廣文祿山反僞授水部員外郎託疾不爲奪賊平張通王維並囚繫三人皆善畫崔圓使繪齋壁因爲析解得貶台州司戶卒有集行世

高適

適字達夫一字仲武滄州人少性落拓不拘小節恥預常科隱跡博徒才名已遠後舉有道授封邱尉未幾哥舒翰表掌書記後擢諫議大夫負氣敢言權近側目李輔國忌其才蜀亂出爲蜀彭二州刺史遷西川節度使還爲左散騎常侍永泰初卒適尙氣節語王霸滾滾不厭遭時多難以功名自許年五十始學爲詩卽能工以氣質自高多胸臆間語每脫稿好事者輒傳播謳吟嘗過汴州與李白杜甫會酒酣登吹臺慷慨悲歌臨風懷古人莫測也於是唱和頗多今有詩文集二十卷及所選至德迄大歷述作者二十六人詩爲中興間氣集二卷并傳

沈千運

千運吳興人工舊體詩氣格高古當時士流皆敬慕之號爲沈四山人天寶中數應舉不第時年齒已邁遨遊襄鄧間干謁名公來濮上感懷賦詩曰聖朝優賢良草澤無遺族人生各有命在余胡不淑一生但區區五十無寸祿衰落當捐棄貧賤招謗讟其時多艱自知屯蹇遂浩然有歸歟之志賦詩曰棲隱無別事所願離風塵不來城邑遊禮樂拘束人又曰如何

巢與由天子不得臣遂肆志還山中別業嘗曰衡門
之下可以棲遲有薄田園兒稼女織偃仰今古自足
此生誰能作小吏走風塵下乎高適賦還山吟贈行
曰還山吟天高日暮寒山深送君還山識君心人生
老大須恣意省君解作一生事山間偃仰無不至石
泉淙淙若風雨桂花松子常滿地賣藥囊中應有錢
還山服藥又延年白雲勸盡杯中物明月相隨何處
眠眠時憶同醒時意夢魂可以相周旋肅宗議備禮
徵致會卒而罷有集傳世

孟雲卿

雲卿關西人天寶間不第意氣難平志復高尙懷嘉
遜之節與薛據相友善嘗流寓荊州杜工部時有與
雲卿贈答之作甚愛重之雲詩體格祖述沈千運漁
獵陳拾遺意雖傷怨詞尙和平旣得升堂復能入室
當時古調無出其右一時之英也如虎豹不相食哀
哉人食人又朝亦常苦饑暮亦常苦饑飄飄萬里餘
貧賤多是非少年莫遠遊遠遊多不歸皆爲當代推
服韋應物過廣陵遇孟九贈詩云高文激頽波四海
靡不傳西施且一笑衆女安得妍其才名於此可見
矣仕終校書郎集傳于世○雲卿稟通濟之才淪吞

噬之俗栖栖南北苦無所遇何生之不辰也身處江湖心存魏闕非杞人之憂天相率而逃者匹夫之志亦可哀矣
貧類之豈非也乎莫敢接遠遊之志不謂昔賢尚
若人食人及博衣常苦難存亦謂苦難存萬里
當却古蹟無出其右一郡之英也賦詩餘不厭命
繼刺世意難壽恐隨向麻平理我代堂對遊人
雲烟散谷之非甚變重女與詩難存庶幾將玉
賦之消與藉難休式善嘗流寓味他林工端御自與
唐才子傳卷第二開不策意屏難平志對高尚對

唐才子傳卷第三目錄

岑參 王之奩 賀知章 包何

包佶 張彪 李嘉祐 賈至

鮑防謝良 殷遙 張繼 元結

郎士元 靈一 文惟審 可護

清江 法照 廣宣 無本

太易 景雲 法振 栖白

修睦 無悶 卿雲 栖蘭

隱巖 處默 曇域 子蘭

淡交 良父 若虛 雲表

僧鸞 懷素 惠標 可朋

懷浦 慕幽 善生 亞齊

理瑩 歸仁 立寶 惠侃

尚顏 栖瞻 僧泚 清侃

法宣 文秀 滄浩 不特

智 是

皇甫冉

皇甫曾

獨孤及

劉方平

秦 系

張衆甫

增 微明 元季川

于 遜 蔣 渙

嚴 維

于良史

靈 徹

陸 羽

顧 況

張南史

戎 昱

包子虛

古之奇

蘇 渙

朱 灣

張志和

唐才子傳卷第三

西域 辛 文房 撰

岑參

參南陽人文本之後天寶三年趙岳榜第二人及第累官左補闕起居郎出為嘉州刺史杜鴻漸表置安西幕府拜職方郎中兼侍御史辭罷別業在杜陵山中後終于蜀參累佐戎幕往來鞍馬烽塵間十餘載極征行離別之情城障塞堡無不經行博覽史籍尤工綴文屬詞清高用心良苦詩調尤高唐興罕見此作放情山水故常懷逸念奇造幽致所得往往超拔

孤秀度越常情與高適風骨頗同讀之令人慷慨懷
感每篇絕筆人輒傳味至德中裴休杜甫等常薦其
識度清遠議論雅正佳名早立時輩所仰可以備獻
替之官未及大用而謝世豈不傷哉有集十卷行于
世杜確爲之序云

王之奐

之奐薊門人少有俠氣所從游皆五陵少年擊劒悲
歌從禽縱酒中折節工文十年名譽日振恥困場屋
遂交謁名公爲詩情致雅暢得齊梁之風每有作樂
工輒取以被聲律與王昌齡高適暢當忘形爾汝嘗
共詣旗亭有梨園名部繼至昌齡等曰我輩擅詩名
未定甲乙可觀諸伶謳詩以多者爲優一伶唱昌齡
二絕句一唱適一絕句之奐曰樂人所唱皆下俚之
詞須臾一佳妓唱曰黃沙遠上白雲間一片孤城萬
仞山羌笛何須怨楊柳春風不度玉門關復唱二絕
皆之奐詞三子大笑曰田舍奴吾豈妄哉諸伶竟不
喻其故拜曰肉眼不識神仙三子從之酣醉終日其
狂放如此云有詩傳于今

賀知章

知章字季真會稽人少以文詞知名性曠夷善談論

笑諱證聖初擢進士超拔羣類科陸象先在中書引
爲太常博士象先與知章最親善常曰季真清談風
韻吾一日不見則鄙吝生矣當時賢達皆傾慕之爲
太子賓客開元十三年遷禮部侍郎兼集賢院學士
晚年尤加縱誕無復禮度自號四明狂客又稱秘書
外監遨遊里巷又善草隸每醉輒屬辭筆不停綴咸
有可觀每紙不過數十字好事者共傳寶之天寶三
年因病夢遊帝居及寤表請爲道士求還鄉里卽舍
住宅爲千秋觀上許之詔賜鏡湖剡溪一曲以給漁
樵帝賦詩及太子百姓官祖餞壽八十六集今傳

杜甫往還嘗寄張十一山人詩云靜者心多妙先生
藝絕倫草書何太古詩興不無神曹植休前輩張芝
更後身數篇吟可老一字買堪貧觀工部之作可知
其人矣

李嘉祐

嘉祐字從一趙州人天寶七年楊譽榜進士爲秘書
正字以罪謫南荒未幾何有詔量移爲鄱陽宰又爲
江陰令後遷台袁二州刺史善爲詩綺麗婉靡與錢
郎別爲一體往往涉於齊梁時風人擬爲吳均何遜
之敵自振藻天朝大收芳譽中興風流也有集今傳

賈至
至字幼幾洛陽人曾之子也曾開元間與蘇晉同掌制誥至天寶十年明經擢第累官起居舍人知制誥從幸西川當撰傳位肅宗冊文既進稿立宗曰先天誥命乃父所爲今茲大冊爾又爲之兩朝盛典出卿家父子可謂繼美矣大厯初遷京兆尹以散騎常侍卒初嘗以事謫守巴陵與李白相遇日酣盃酒追憶京華舊遊多見酬唱白贈詩有云聖主恩深漢文帝憐君不遣到長沙至特工詩俊逸之氣不減鮑昭庾信調亦清暢且多素辭蓋厭於漂流淪落者也有集

包何

何字幼嗣潤州延陵人包融之子也與弟佶俱以詩鳴時稱二包天寶七年揚譽榜及第曾師事孟浩然授格法與李嘉祐相友善大曆中仕終起居舍人詩傳者可數蓋流離世故卒多素辭大播芳名亦當時望族也

包佶

佶字幼正天寶六年楊護榜進士累遷秘書監劉晏治財奏爲汴東兩稅使及晏罷以佶爲諸道鹽鐵等使未幾遷刑部侍郎太常少卿拜諫議大夫御史中

丞居官謹確所在有聲佶天才贍逸氣宇清深心醉
古經神和大雅詩家老斲也與劉長卿竇叔向諸公
皆莫逆之愛晚歲沾風痺之疾辭寵樂高不及榮利
卒封丹陽郡公有詩集行于世

張彪

彪穎上人初赴舉無所遇適遭喪亂奉老母避地隱
居嵩山供養至謹與孟雲卿爲中表俱工古調詩雲
卿有贈云善道居貧賤潔服蒙塵埃行行無定心坎
壤難歸來性高簡善草書志在輕舉詠神仙云五穀
非長年四氣乃靈藥列子何必待吾心滿寥廓時與

三十餘卷今傳

鮑防

防字子慎天寶十二年楊儂榜進士襄陽人也善辭
章篤志於學累官至太原尹河東節度使人樂其治
不減龔黃詔圖形別殿又歷福建江西觀察使丁亂
從幸奉天除禮部侍郎封東海公又遷御史大夫貞
元元年策賢良方正得穆質柳公綽等皆位至台鼎
世美其知人時比歲旱質對漢故事免三公烹弘羊
權近獨孤恹欲下按治防曰使上聞所未聞不亦善
乎置質高第帝見策嘉之授工部尙書卒防工於詩

唐才子傳 卷三
五
興思優足風調嚴整凡有感發以譏切世弊正國音
之宗派也與謝良爲詩友時亦稱鮑謝云有集今傳
遙丹陽人天寶間常仕爲忠王府倉曹參軍與王維
結交同慕禪寂志趣高踈多雲岫之想而苦家貧死
不能葬一女纔十歲日哀號於親愛憐之者賄贈埋
骨石樓山中工詩詞彩不羣而多警句杜甫嘗稱許
之有詩傳于今

張繼

繼字懿孫襄州人天寶十二年禮部侍郎楊浚下及

第與皇甫冉有髫年之故契逾崑玉早振詞名初來
長安頗矜氣節有感懷詩云調與時人背心將靜者
論終年帝城裏不識五侯門嘗佐鎮戎軍幕府又爲
鹽鐵判官大曆間入內侍仕終檢校祠部郎中繼博
覽有識好談論知治體亦嘗領郡輒有政聲詩情爽
激多金玉音蓋其累代詞伯積襲弓裘其於爲文不
雕自飾丰姿清迥有道風集一卷今傳
元結
結字次山武昌人魯山令元紫芝族弟也少不羈弱
冠始折節讀書天寶十三年進士禮部侍郎楊浚見

其文曰一第恩子耳遂擢高品後舉制科會天下亂沈浮人間蘇源明薦於肅宗授右金吾兵曹累遷御史參山南來瑱府除容管經略使始隱於商山中稱元子逃難入琦玕洞稱琦玕子或稱浪士漁者或稱聱叟酒徒漫叟及爲官呼漫郎皆以命所著性梗僻深憎簿俗有憂道閔世之心中興頌一文燦爛金石清奪湘流作詩著辭尙聱牙天下皆知敬仰復嗜酒有句云有時逢惡客自註非酒徒卽惡客也有文編十卷及所集當人詩爲篋中集一卷竝傳心源精言

郎士元

士元字君胄中山人也天寶十五年盧庚榜進士寶應初選京畿縣官詔試政事中書補渭南尉歷左拾遺出爲郢州刺史與員外郎錢起齊名時朝廷自丞相以下出牧奉使無兩君詩文祖餞人以爲愧其珍重如此二公體調大抵相同於中郎君覺稍閒雅逼近康樂珠聯玉映不覺成編掩映時流名不虛矣有別業在牛日吳村王季友錢起等皆見題詠每誇勝絕詩集今傳于世

道人靈一

一公剡中人童子出家餅鉢之外餘無有天性超穎

唐才子傳 卷二
十一
追蹤謝客隱麻源第三谷中結茆讀書後學業精進
居若耶溪雲門寺從學者四方而至矣尤工詩氣質
澗和格律清暢兩浙名山暨衡廬諸甲刹悉所經行
與皇甫昆季嚴少府朱山人徹上人等爲詩友酬贈
甚多刻意聲調苦心不倦騁譽叢林後圓寂於岑山
集今傳世

論曰自齊梁以來方外文者如支遁道惠休寶
月之儔馳驟文苑芊綿藻思奇章偉什綺錯星陳不
爲寡矣厥後喪亂兵革相尋縑素亦已狼籍罕有復
入其流者至唐累朝雅道大振古風再作卒皆崇道
像教注念津梁龍象相望金碧交映雖寂寥之山河
實威儀之淵藪寵光優渥無逾此時故有顛頓文場
之人憔悴江海之客往往裂冠裳撥矰繳杳然高邁
雲集蕭齋一食自甘方袍便足靈臺澄皎無事相干
三餘有簡牘之期六時分吟諷之隙青峯瞰門綠水
周舍長廊步履幽徑尋真景變序遷蕩入冥思凡此
數者皆達人雅士夙所欽懷雖則心侔跡殊所趨無
間會稽傳孫許之玄談廬阜接謝陶於白社宜其日
鍛月鍊志彌厲而道彌精佳句縱橫不廢禪定巖穴
相邇更唱迭酬苦於三峽猿清同九臯鶴不其偉歟

與夫迷津畏途埋玉沈珠蓄憤於心發在篇詠者未
可同年而論矣然道或淺深價有輕重未能悉標其
喬松於草莽野鶴於雞羣者有靈一靈徹皎然清塞
無可虛中齊已貫休八人皆東南產秀共出一時已
爲錄實其或雖以多而寡稱或著少而增價者如惟
審護國文益可止清江法照廣宣無本修睦無悶太
易景雲法振栖白隱巒處默卿雲棲一淡交良父若
虛雲表曇域子蘭僧鸞懷素惠標可朋懷浦慕幽善
生亞齊尙顏栖蟾理瑩歸仁立寶惠侃法宣文秀僧
泚清尙智暹滄浩不特等四十五人名旣隱僻事且
微冥今不復喋喋云爾

皇甫冉

冉字茂政安定人避地來寓丹陽耕山釣湖放適閒
淡或云秘書少監彬之姪也十歲能屬文張九齡一
見歎以清才天寶十五年盧庚榜進士調無錫尉營
別墅陽羨山中大曆初王縉爲河南節度辟掌書記
後入爲左金吾衛兵曹參軍仕終拾遺左補闕公自
擢桂禮闈便稱高格往以四道艱虞遂心江外故多
飄泊之歎每文章一到朝廷而作者變色當年才子
悉願締交推爲宗伯至其造語玄微端可平揖沈謝

雄視潘張惜乎長轡未騁芳蘭早凋良可痛哉有詩
集三卷獨孤及爲序今傳

皇甫曾

曾字孝常冉之弟也天寶十七年楊儼榜進士善詩
出王維之門與兄名望相亞當時以比張氏景陽孟
陽協居上品載處下流侍御補闕文詞亦然體製清
繁華不勝文爲士林所向仕歷侍御史後坐事貶舒
州司馬量移陽翟令有詩一卷傳于世

獨孤及

及字至之河南人卯角時誦孝經父試之曰爾志何
語曰立身行道揚名於後世天寶末以道舉高第代
宗召爲左拾遺遷禮部員外郎歷濠館常三州刺史
及性孝友喜鑑拔爲文必彰明善惡長於議論工詩
格調高古風塵迴絕得大名當時有集傳世○嘗讀
選中沈謝諸公詩有題新安江水至清淺深見底貽
京邑游好及石門新營所住四面高山回溪石瀨茂
林修竹并田南築園激流環繞齋中讀書南樓如望
所遲客晚登三山還望京邑等數詩皆奇崛精當冠
絕古今獨能發其蘊奧者逮盛唐沈宋令狐楚李嘉
祐韋應物等諸才子集中往往各有數題片言不苟

唐才子傳卷三
皆不減其風度此則無傳之妙逮元和以下佳題尙罕況於詩乎立題乃詩家切要貴在卓絕清新言簡而意足句之所到題必盡之中無失節外無餘語此可與智者商推云因舉而論之
方平河南人白皙美容儀二十工詞賦與元魯山交善隱居潁陽大谷高尙不仕皇甫冉李頎等相與贈答有云籬邊潁陽道竹外少姨峯神意淡泊善畫山水墨妙無前汧國公李勉延致齋中甚敬愛之欲薦于朝不忍屈辭還舊隱工詩多悠遠之思陶寫性靈默會風雅故能脫略世故超然物外區區斗筲何足以繫劉先生哉有集今傳

秦系

系字公緒會稽人天寶末避亂剡溪自稱東海釣客北都留守薛兼訓奏爲倉曹參軍不就客泉州南安九日山中有大松百餘章俗傳東晉時所植系結廬其上穴石爲研註老子彌年不出時姜公輔以直言罷爲泉州別駕見系輒窮日不能去築室與相近遂忘流落之苦公輔卒妻子遠隔系爲營葬山下每好義如此張建封聞系不可致請就加校書郎與劉長

卿韋應物善多以詩相贈答權德輿曰長卿自以爲
五言長城系用偏師攻之雖老益壯年八十餘卒南
安人思之號其山爲高上峯今有麗句亭在焉集一
卷今傳

張衆甫

衆甫京口人隱居不務進取與皇甫御史友善精廬
接近後各遊四方曾寄處士詩云伏臘同雞黍柴門
閉雪天時官亦有徵辟者守死善道卒不就衆甫詩
婉媚綺錯巧用文字工於興喻文流中佳士也○同
在一時者有趙微明于逃蔣渙元季川俱山顛水涯

苦學貞士名同蘭茝之芳志非鉛黃之慕吟詠性靈
每陳衷素儘有佳篇不能湮落惜其行藏之大概不
見於記錄故缺其考詳焉

嚴維

維字正文越州人初隱居桐廬慕子陵之高風至德
二年江淮選補使侍郎崔渙下以詞藻宏麗進士及
第爲家貧親老不能遠離授諸暨尉時已四十餘後
歷秘書郎嚴中丞節度河南辟佐幕府遷餘姚令仕
終右補闕維少無宦情懷家山之樂以爲偶從升斗
之祿聊代耕耳詩情雅重挹魏晉之風鍛鍊鏗鏘庶

少遺恨一時名輩孰匪金蘭詩集一卷今傳

蘇子良史

良史至德中仕爲侍御史詩體清雅工於形似又多警句蓋其珪璋特達早步清朝興致不羣詞苑增價雖平生似昧而篇什多傳

靈徹上人

靈徹姓湯氏字澄源會稽人自童子辭父兄入淨戒行果潔方便讀書不覺勤苦授詩法於嚴維遂藉藉有聲及維卒乃抵吳興與皎然居何山遊講因以書薦于包侍郎倍倍得之大喜又以書致于李侍郎紆

時二公以文章風韻爲世宗貞元中西遊京師名振輦下緇流疾之遂造飛語激動中貴因誣奏得罪徙汀州會赦歸東越時吳楚間諸侯各賓禮招延之元和十一年終於宣州開元寺年七十有一門人遷歸建塔於山陰天柱峯下上人詩多警句能備衆體如芙蓉寺云經來白馬寺僧到赤烏年謫汀州云青蠅爲予客黃耳寄家書性巧逸居沃洲寺嘗取桐葉剪刻製器爲蓮花漏置盆水之上穿細孔漏水半之則沈每晝夜十二沈爲行道之節初居嵩陽蘭若後來住匡廬東林寺如天目四明棲霞及衡湘諸名山行

錫幾遍嘗與靈一上人約老天台未得遂志雖結念
雲壑而才名拘牽罄悉經旨吟諷無已所謂拔乎其
萃遊方之外者也有集十卷及錄大曆至元和中名
人酬唱集十卷今傳

陸羽

羽字鴻漸不知其始初竟陵禪師智積得嬰兒於水
濱育爲弟子及長恥從削髮以易自筮得蹇之漸曰
鴻漸于陸其羽可用爲儀始爲姓名有學愧一事不
盡其妙性恢諧少年匿優人中撰談笑萬言天寶間
署羽伶師後遁去古人謂潔其行而穢其跡者也上

元初結廬茗溪上閉門讀書名僧高士談讌終日貌
寢口乞而辯人善若在己與人期雖阻虎狼不避也
自稱桑苧翁又號東崗子工古調歌詩興極閒雅著
書甚多扁舟往山寺唯紗巾藤鞋短褐犢鼻擊林木
弄流水或行曠野中誦古詩徘徊至月黑輿盡慟哭
而返當時以比接輿也與皎然上人爲忘言之交有
詔拜太子文學羽嗜茶造妙理著茶經三卷言茶之
原煮法之具時號茶仙天下益知飲茶矣鬻茶家以
盜陶羽形祀爲神買十茶器得一鴻漸初御史大夫
李季卿宣慰江南喜茶知羽名之羽野服挈具而入

李曰陸君善茶天下所知楊子中冷水又殊絕今二
妙千載一遇山人不可輕失也茶畢命奴子與錢羽
愧之更著毀茶論與皇甫補闕善時鮑尚書防在越
羽往依焉冉送以序曰君已窮孔釋之名理窮歌詩
之麗則遠墅孤島通舟必行魚梁釣磯隨意而往夫
越地稱山水之鄉轅門當節鉞之重鮑侯知子愛子
者將解衣推食豈徒嘗鏡水之魚宿耶溪之月而已
集併茶經今傳

顧况

况字逋翁蘇州人至德二年天子幸蜀江東侍郎李
希言下進士善爲歌詩性恢譎不自檢束工畫山水
初爲韓晉江南判官德宗時柳渾輔政薦爲秘書郎
况素善於李泌遂師事之得其服氣之法能終日不
食及泌相自謂當得達官久之遷著作郎及泌卒作
海鷗詠嘲誚權貴大爲所嫉被憲劾貶饒州司戶作
詩曰萬里飛來爲客鳥曾蒙丹鳳借枝柯一朝鳳去
梧桐死滿日鴟鳶奈爾何遂全家去隱茅山鍊金拜
斗身輕如羽况暮年一子卽亡追悼哀切吟曰老人
喪愛子日暮泣成血老人年七十不作多時別其年
又生一子名非熊三歲始言在冥漠中聞父吟苦不

忍乃來復生非熊後及第自長安歸慶已不知况所
在或云得長生訣仙去矣今有集二十卷傳世皇甫
湜爲之序

張南史

南史字季直幽州人工奕棋神算無敵游心太極嘗
幅巾藜杖出入王侯之宅十年高談闊視慷慨奇士
也既自感激始苦節學文無希世苟合之意數年間
詩境漸佳調體超拔情致兼美如并燕老將氣韻沈
雄時罕有及者肅宗時廟堂獎拔仕爲左衛倉曹參
軍後避亂寓居揚州揚子難平再召未及赴而卒有

詩一卷今傳

戎昱

昱荆南人美風度善談少舉進士不上乃放遊名都
雖貧士而軒昂氣不消沮愛湖湘山水來客時李夔
廉察桂林寓官舍月夜聞隣居行吟之音清麗明朗
訪之乃昱也卽延爲幕賓待之甚厚崔中丞亦在湖
南愛之有女國色欲以妻昱而不喜其姓戎能改則
訂議昱聞之以詩謝云千金未必能移姓一諾從來
許殺身自謂李大夫恩私至深無任感激初事顏平
原嘗佐其征南幕亦累薦之衛伯玉鎮荆南辟爲從

唐二一傳
事歷虔州刺史至德中以罪謫爲辰州刺史後客劔
南寄家隴西數載憲宗時邊烽累急大臣議和親上
曰比聞一詩人姓名稍僻者爲誰宰相對以冷朝陽
包子虛皆非帝舉其詩對曰戎昱也上曰嘗記其詠
史云漢家青史上拙計是和親社稷依明主安危託
婦人豈能將玉貌便擬淨沙塵地下千年骨誰爲輔
佐臣因笑曰魏絳何其懦也此人如在可與武陵桃
花源足稱其清詠士林榮之昱詩在盛唐格氣稍劣
中間有絕似晚作然風流綺麗不虧政化當時賞音
喧傳翰苑固不誣矣有集今傳

古之奇

之奇寶應二年禮部侍郎洪源下及第與耿漳同時
嘗爲安西幕府書記與李司馬端有金蘭之好工古
調有幽閒淡泊之致婉而成章得名藝圃非泛然者
詩集傳於世

蘇渙

渙廣德二年楊栖梧榜進士素行無軌往來剽盜善
用白弩巴賚商人苦之稱曰白跖後自知非折節從
學遂成名累遷侍御史湖南崔中丞瓘辟爲從事瓘
遇害繼走交廣扇動哥舒晃跋扈如蛟龍肆毒本性

又彰居無何伏誅初嘗爲變律詩十九首上廣州節
度李勉其文意長於諷刺亦有陳拾遺一鱗半甲故
優待之或曰此子羽翼嬖臣侵敗王畧今尙其文可
歟勉曰漢策載蒯通說辭皇史錄祖君檄草以大容
細者善惡不計春秋至訓明言可溯畧跡取才渙其
庶乎豈但存雕蟲小技亦以深懲賊子也時以爲名
言杜甫有與贈答之詩今悉傳

朱灣

灣字巨川大曆時隱君也號滄洲子率履貞素潛輝
不曜逍遙雲山琴酒之間放浪形骸繩檢之外郡國
交徵不應工詩體格幽遠詞意弘深寫景生情窮理
盡性詠物尤精或比或興刻摯而敏捷及李勉鎮永
平嘉其風操厚幣邀來署爲府中從事日相談讌親
逾骨肉久之嘗謁湖州崔使君不得志臨發以書別
之曰灣聞蓬萊山在杳冥之間行可到貴人門無媒
以通不可到驪龍珠潛瀆滉之淵或可識貴人顏無
因而前不可識自假道路問津主人一身孤雲兩度
圓月載請執事三趨戟門堂室深沈不啻千里况寄
食漂母夜眠漁舟門如龍而難登食如玉而難得食
如玉之粟登如龍之門實無機心翻成機事漢陰丈

唐二子傳
人聞之豈不大笑值溪上風便囊中金漚望甘棠而
歎盍循分而退灣白遂歸會稽山陰別墅其耿介類
如此也有集四卷今傳

張志和

志和字子同婺州人初名龜齡詔改之十六擢明經
嘗以策干肅宗特見賞重命待詔翰林以親喪辭去
不復仕居江湖性邁不束自稱煙波釣徒撰玄真子
二卷又爲號焉兄鶴齡恐其遁世爲築室越州東郭
茅茨數椽花竹掩映嘗豹席櫻屨沿溪垂釣每不投
餌志不在魚也觀察使陳少游頻往候問帝嘗賜奴

婢各一人志和配爲夫婦號魚童樵青與陸羽嘗爲
顏平原食客平原初來刺湖州志和造謁顏請以舟
敝欲爲更之曰願爲浮家泛宅往來苕霅間足矣善
畫山水酒酣或擊鼓吹笛舐筆吟詠曲盡天真自撰
漁歌又圖畫之興趣高遠人不能及憲宗聞之詔寫
真求訪并其歌詩不能致後傳一日忽乘雲鶴而去
李德裕稱以爲漁父賢而名隱鴟夷智而功高未若
玄真隱而名彰閒而無事不窮而達其嚴光之比歟

唐才子傳卷第三

唐才子傳卷第四目錄

盧綸

吉中孚

韓翃

耿湓

錢起

子嶷

司空曙

苗發

崔峒

夏侯審

李端

張芳
柳中庸

竇叔向

康洽

李益

冷朝陽

章八元

暢當

鄭常

王季友

張謂

于鵠

王建

韋應物

邱丹

皎然

武元衡

竇常

竇牟

竇羣

竇庠

竇鞏

劉言史

劉商

夏侯審李端聯藻文林銀黃相望且同臭味契厚良
深時號大曆十才子唐之文體至此一變矣綸所作
特勝不減盛時如三河少年風流自賞文宗雅愛其
詩問宰相綸沒後文章幾何亦有子否李德裕對綸
四子皆擢進士仕在臺閣帝遣中使悉索其中笥得
詩五百首進之有別業在終南山中集十卷今傳

吉中孚

中孚楚州人居番陽最久初爲道士山阿寂寥後還
俗李端贈詩云舊山連藥賣孤鶴帶雲歸盧綸送詩
云舊籙藏雲穴新詩滿帝鄉來長安謁宰相有薦於

天子日與王侯高會名動京師未幾卽登進士授萬
年尉除校書郎又登宏辭科爲翰林學士歷諫議大
夫戶部侍郎判度支事貞元初卒初拜官後以親垂
白在堂歸養至孝終喪復仕中孚骨秀神清吟詠高
雅若神仙中人也集一卷今傳

韓翃

翃字君平南陽人天寶十三載楊紘榜進士侯希逸
素重其才至是表佐淄青幕府罷閒居十年及李勉
在宣武復辟之德宗時制誥闕人中書兩進除目御
筆不點再請之批曰時有與韓翃同姓名者爲江淮

刺史宰相請究與誰上復批曰春城無處不飛花韓也俄以駕部郎中知制誥終中書舍人翊工詩出筆豔麗如芙蓉出水一篇一詠朝士珍之比諷深於文房筋節成於茂政當時盛稱焉有詩集五卷行世

耿漳

漳河東人也寶應二年洪源榜進士與古之奇爲莫逆之交初爲大理司法充括圖書使來江淮窮山水之勝仕終左拾遺詩才俊爽意思不羣似漳等輩不可多得詩集二卷今傳

錢起

起字仲文吳興人天寶十年李巨卿榜及第少聰敏承鄉曲之譽初從計吏至京口客舍月夜閒步聞戶外有行吟聲哦曰曲終人不見江上數峯青凡再三往來起遽從之無所見矣嘗怪之及就試粉闈詩題乃湘靈鼓瑟起輒就卽以鬼謠十字爲落句主文李曄深嘉美擊節吟味久之曰是必有神助之耳遂擢置高第釋褐授校書郎嘗採箭竹奉使入蜀除考功郎中大曆中爲太清宮使翰林學士起詩體製新奇理法清密芟宋齊之浮靡削梁陳之褻狎矯然獨立也王右丞許以高格與郎士元齊名士林語曰前有

沈宋後有錢郎集十卷今傳子徽能詩外甥懷素善書一門之中藝名特甚可尙矣○凡唐人燕集祖送必探題分韻賦詩於衆中推一人擅場者劉相巡察江淮詩人滿座羣推郭曖擅場尙主盛會李端擅場緬懷盛時吟詠爲樂羣賢畢至觥籌交錯覽江山之佳麗續歡好於賓朋美景良辰怡神悅志誠盛事也況賓無絕纓之嫌主無投轄之困歌闌舞作酒醉弁俄王公不覺其大韋布不覺其小忘形爾我促膝詼諧禮節之間竟置而不顧旣而吟詠繼起筵席重新樂哉斯乎古人秉燭之游繼日之興亦不是過也至若殘杯冷炙一獻百拜察喜怒於眉睫之間者可以休矣

司空曙

曙字文明廣平人也磊落有奇才韋臯節度劔南辟致幕府授洛陽主簿未幾遷長林縣丞累官左拾遺終水部郎中與李約員外至交性耿介不干權貴家無儋石晏如也嘗病中不給遣其愛姬旣而流寓長沙遷謫江右又多結契惟暗傷流景寄矚上人詩云欲就東林寄一身尙憐兒女未成人柴門客去殘陽在藥圃蟲喧秋雨頻近水方同梅市隱曝衣多笑阮

家貧深山蘭若何時到羨與閒雲作四隣閒居卽事
高興可知詩情綿邈詞旨鮮妍如新華笑日不容絢
染盛名美譽不亦宜哉有詩集二卷今傳

苗發

發潞州人也晉卿長子初爲樂平令授兵部員外遷
駕部員外郎仕終都官郎中雖名廁才子少見詩篇
然當時名士咸與贈答者

崔峒

峒博陵人工文初辟潞府功曹後歷左拾遺終右補
闕賦詩運筆凝鍊構意淵深時人稱其句爲披沙揀

金往往見寶詩集一卷今行於世

夏侯審

審於建中元年禮部侍郎令狐峘下試軍謀越衆科
第卽爲校書郎又爲參軍仕終侍御史初於華山下
多買田園爲別墅水木幽雅雲煙浩渺晚歲退居其
下諷吟頗多漸次零落時見一二皆錦製也

李端

端趙州人嘉祐之姪也少時居廬山依皎然讀書意
境清淡酷慕禪侶大曆五年李搏榜進士及第授秘
書省校書郎以清羸多病辭官居終南山草堂寺未

幾起爲杭州司馬牒訴敲扑心甚厭之雖買田園在
虎邱爲耽深癖而愛泉石移家來隱衡山自號衡嶽
幽人彈琴讀易登高望遠神意曠然泯遊宦之情深
箕顛之志嘗曰余少尙神仙茲未能造友人暢不以
禪門見導定以爲未得其門耳詩極高雅於才子中
聲名藉藉與處士京兆柳中庸大理評事江東張芬
友善唱酬初來長安詩名大振時令公子郭曖尙昇
平公主賢明有才延納俊士端等皆在館中曖嘗進
宮大宴酒酣主屬端賦詩頃刻而就曰青春都尉最
風流二十功成便拜侯金距鬪雞過上苑玉鞭騎馬
出長楸熏香荀令偏憐小傅粉何郎不解愁日暮吹
簫楊柳陌路人遙指鳳凰樓主甚喜一座賞歎錢起
曰此必端宿製請以起姓爲韻端立獻一章曰方塘
似鏡草芊芊初月如鉤未上弦新開金埒看調馬舊
賜銅山許鑄錢楊柳入樓吹玉笛芙蓉出水妬花鈿
今朝都尉如相顧願脫長裾逐少年作者驚伏主厚
賜金帛終身以榮其工捷類此集三卷今傳於世

正寶叔向

叔向字遺直扶風平陵人也有卓絕之行登第於大
曆初佳名遠振爲文物冠冕詩法謹嚴非尋常筆墨

可及才子多欽仰也少與常袞同燈火及袞相引擢
左拾遺內供奉後坐貶出爲溧水令卒贈工部尚書
五子常牟羣庠鞏俱能詩嘖嘖有跨竈之譽當時羨
之文志載叔向集七卷今存詩甚寡蓋零落之矣

康洽

洽酒泉人黃鬚美丈夫也盛時携琴劍來長安謁當
道氣度豪爽工樂府詩篇宮女梨園皆寫於聲律立
宗亦知名嘗歎美之所出入皆王侯貴主之宅從遊
與讌雖駿馬蒼頭如其已有觀人服玩之華每形於
嗟歎其憐財乃如是也後遭天寶亂離飄蓬江表至

大曆間年已七十餘龍鍾衰老談及開元繁盛流涕
不已往來兩京故侯館穀皆空洽一布衣耳當時文
士願與論交李端逢之贈以詩云聲名常壓鮑參軍
班位不過楊執戟又云同時獻賦人皆盡一壁題詩
君獨存後卒杜陵山中文章不得見矣

李益

益字君虞隴西姑臧人大曆四年齊映榜進士調鄭
縣尉同輩漸見遷擢益久不陞鬱鬱去遊燕趙間幽
州節度劉濟辟爲從事未幾又佐邢寧幕府風流辭
藻與宗人賀相埒每一篇就樂工卽夾求去被於雅

樂以供宸聽如征人早行篇天下皆繪畫之二十三
受策秩從軍十年運籌決勝尤其所長往往據鞍爲
文橫槊賦詩篇中每多激勵感慨之句是高適岑參
之流也憲宗雅聞其名召爲秘書少監集賢殿學士
惟自負其才凌轢士衆致不能堪諫官暴其詩不上
於望京樓等句未免涉怨詔降職俄復舊除侍御史
遷禮部尙書致仕太和初卒益涉偏僻多猜忌防閑
妻妾過於苛酷有散灰扃戶之談時稱爲妬癡尙書
李十郎有同姓名者爲太子庶子同在朝人恐莫辨
謂君虞爲文章李益庶子爲門戶李益云有集今傳

冷朝陽

朝陽金陵人大曆四年齊映榜進士及第不待調官
言歸定省自狀元以下一時名士大夫及詩人李嘉
祐李端韓翃錢起等大會賦詩祖餞以一後進隆重
如是人皆羨之朝陽工詩在大曆諸才子中法律稍
遜氣韻清越不多讓也有集傳世

章八元

八元睦州桐廬人少喜爲詩嘗於郵亭偶題數語蓋
激楚之音也宗匠嚴維到驛見而異之問八元曰爾
能從我授格乎曰素所願也少頃遂發八元辭親同

往維大器之親爲指點數歲間詩賦精絕大曆六年
王淑榜第三人進士居京既久牀頭金盡歸江南訪
韋蘇州遺贈甚厚復來都應制科貞元中調句容主
簿况薄辭歸時有清江上人善詩與八元爲兄弟之
好先長安慈恩寺浮圖前後名流詩版甚多八元亦
題句云卻怪鳥飛平地上自驚人語半天中後元微
之白樂天至塔下遍覽之悉除去惟存八元版且吟
詠久之曰名下無虛士也其驚策如有詩集一卷
傳世

暢當

當河東人大曆七年張式榜及第當少諳武事生亂
離間盤馬彎弓搏沙布陣人咸伏之時山東有寇以
子弟被召參軍貞元初爲太常博士仕終果州刺史
與李司馬司空郎中有膠漆之契常往來嵩華間酷
慕方外閒參禪道洞明性命之旨勘破生死之關詞
旨挺拔有凌雲之概有詩二卷傳世同時有鄭常亦
以詩鳴集一卷傳○嘗觀建安初陳琳阮瑀數子從
戎膺書記之任議論雄偉英氣逼人偶安則淋漓翰
墨遇警則橐韃矢石或以力敵或以計伏露布於盾
鼻勒銘於竹帛此磊磊落落能文能武者皆奇書生

也豈如鬱志窗下抱膝長吟而曰時不我與人不我知邪大道無窒何至自傷老大也唐代如此特達光烈垂遠者甚多不能不以之興懷也

王季友

季友河南人默識萬卷論必引經家貧賣屐爲業好事者携酒就之其妻柳氏疾季友窮甚遣去來客鄴城洪州刺史李公一見欽敬卽引佐幕府季友工詩性磊落好奇務險遠出常性之外白首短褐崎嶇土路傷哉貧也嘗有詩云山中誰與密白髮日相親雀鼠晝夜無知我廚廩貧又自耕自刈食爲天如鹿如麋飲野泉亦知世上公卿貴且養邱中草木年觀其篤志山水可謂遠性風疎逸情雲上矣有集傳於世

張謂

謂字正言河內人也少讀書嵩山清才拔萃博覽經史不屈於權勢自矜奇骨必談笑封侯二十四受辟從戎營朔十載幃幄間稍立功勳以將軍得罪流滯薊門有以非辜雪之者累官爲禮部侍郎未幾卽出爲潭州刺史素性嗜酒又好遊湖山工詩格度嚴密語致精深多擊節之音今有集傳于世

于鵠

鵠初買山於漢陽高隱三十猶未成名大曆中嘗應薦慰諸府從事出入塞外馳逐風沙有詩甚工長短問作不拘一格縱橫放逸而不失之疎遠且多警策處集一卷今傳

王建

建字仲初潁川人大曆十年丁澤榜第二人及第釋褐授渭南尉調昭應縣丞諸司厯薦遷大府寺丞秘書丞侍御史太和中出爲陝州司馬從軍塞上弓劍不離身數年後歸卜居咸陽原上初遊韓吏部門牆爲忘年之友與張籍契厚唱答甚多工爲樂府歌行

格幽思遠二公之體遠勝時流建性耽酒放浪不羈宮詞高妙於前古初與樞密使王守澄有宗族之分守澄以弟呼之言談間多知禁掖事因作宮詞百篇後爲過飲偶相譏諱守澄深銜之忽曰吾弟所作宮詞內庭深窈何由知之明當奏上建作詩以謝末句云不是姓同親向說九重那得外人知守澄恐累己事遂寢建才贍學博有作皆工嘗跋涉畏途備嘗艱苦自傷詩云衰門海內幾多人滿眼公卿總不親四授官資原七品再經婚娶尙單身圖書亦爲頻移盡兄弟還因數散貧獨自在家常似客黃昏哭向野田

春又有征戍遷謫行旅離別幽居官況之作俱能感
動神思道人所不能道也集十卷今傳於世

韋應物

應物京兆人也尚俠初以三衛郎事玄宗及崩始悔
折節讀書稟性高潔恬淡寡欲所居必焚香掃地而
坐冥心象外天寶時扈從遊幸永泰中任洛陽丞遷
京兆府功曹大曆十四年白鄆縣令制除櫟陽令以
疾辭歸寓善福寺精舍建中二年山前資除比部員
外郎出爲滁州刺史頃之改江州刺史迨赴關又改
左司郎中或妬其進媒雙之貞元初又出爲蘇州刺

史太和中以太僕少卿兼御史中丞爲諸道鹽鐵轉
運江淮留後罷居永定齋心屏除人事初公豪縱不
羈晚歲逢楊開府贈詩言事曰少事武皇帝無賴恃
恩私身作里中橫家藏亡命兒朝持檇蒲局暮竊東
隣姬司隸不敢捕立在白玉墀驪山風雪夜長楊羽
獵時一字都不識飲酒肆頑癡武皇升仙去憔悴被
人欺讀書事已晚把筆學題詩兩府始收跡南宮謬
見推非才果不容出守撫婢嫠忽逢楊開府論舊涕
俱垂坐客何由識唯有故人知足見古人率真之妙
也○論云詩律自沈宋之下日益靡嫚鏐章刻句揣

摩細切音韻婉諧屬對藻密而閒雅平淡之氣不存矣獨應物馳驟建安以還別有風韻自成一家之體清深雅麗雖詩人之盛亦罕其倫甚爲時論所重惟風情不能自己如贈米嘉榮杜韋娘等作皆杯酒之間見少年故態亦無足怪者有集十卷今傳於世

皎然上人

皎然字清晝吳興人俗姓謝係靈運之十世孫也初入道肄業杼山與靈徹陸羽同居妙喜寺羽於寺傍創亭以癸丑歲癸卯朔癸亥日落成湖州刺史顏真卿名以三癸皎然爲之賦詩時稱三絕真卿嘗於郡

齋集文士撰韻海皎然預其論著至是聲價藉甚貞元中集賢御書院集高僧爲上人文十卷刺史于頔爲之序李端在匡嶽依歸爲門生一時名公俱相友善稱爲畫上人是也時韋應物以古淡矯俗公嘗擬其格得數篇以爲贊韋心疑之明日又錄舊製以見乃領略曰人各有長出自天分子而爲我失故步矣但以所長自名可也公心服之往時往西林寺禪定之暇嘗作詩體式爲畫公詩式五卷又取古今人詩評之爲詩評三卷悉皆議論精當取舍從公一挽狂瀾繼蹤騷雅公性放逸不縛於常律初房太尉瑄早

歲隱終南峻壁之下往往聞湫中龍吟聲清而靜滌
人邪想時有僧潛憂三金以寫之惟銅酷似他日房
公聞嶺間有聲如龍吟問僧僧因出器以示之歎曰
此真龍吟也大曆間有秦僧傳至桐江皎然憂銅椀
效之以警闐寂有緇人譏之者公曰此達僧之事可
以嬉禪爾曹胡凝滯於物而以瑣行自拘耶時人高
之公禪心寂定詩學宏深居第一流第二流不過也
有詩集十卷

武元衡

元衡字伯蒼河南人建中四年薛展榜進士元和三
年以門下侍郎平章事出爲劔南節度使秉政後明
年早朝遇盜從暗中射殺之元衡工詩雖時見雕琢
不尙濬靈然已斲輪老手矣好事者每將其詩被於
絲竹其夏夜一詩曰夜久喧暫息池臺唯月明無因
駐清景日出事還生翌日遇害詩蓋其讖也議者謂
工詩而宦達者惟高適達宦而詩工者唯元衡今有
臨淮集十卷傳於世

竇常

常字中行叔向之子也京兆人大曆十四年王儲榜
及第初歷從事累官水部員外郎連除闔夔江撫四

州刺史後入爲國子祭酒而終○常兄弟五人聯芳
比藻俱有盛名法度風流相距不遠且皆陳力王事
寵顯清流豈懷玉迷津之所可比哉後人集所著詩
得一百首爲五卷名寶氏聯珠集謂若五星然常集
十八卷與撰韓翃皎然等三十人詩合三百五十篇
爲南薰集各系以贊爲三卷今並傳焉

寶牟

牟字貽周貞元二年張正甫榜進士初遊學於江東
居家篤敬孝養繼母奇文異行聞于京師舅給事中
袁高當時負重名甄拔甚多而牟未嘗干謁竟捷文
場始佐六府五公入遷至檢校虞部元和五年拜尚
書虞部郎中轉洛陽令都官郎中出爲澤州刺史仕
終國子司業牟晚從昭義廬從史從史浸驕牟度不
可諫卽移舟歸居東都別業長慶二年卒昌黎韓先
生爲之墓誌云

寶羣

羣字丹列初隱毗陵稱處士性至孝定省無少怠及
母卒哀踊不已齧一指置棺中結廬墓次終喪蘇州
刺史韋夏卿薦之舉孝廉德宗擢爲左拾遺憲宗立
轉吏部郎中出爲唐州刺史節度使于頔奇之表以

自副武元衡輔政薦爲御史中丞羣引呂溫羊士諤
爲御史宰相李吉甫不可羣等怨遂摺摭吉甫陰事
告之帝面覆多誑大怒欲殺羣等吉甫又爲力救得
解出爲黔南觀察使遷容管經畧使卒官所家無餘
財惟圖書萬軸耳

竇庠

庠字胄卿嘗應辟三佐大府調奉仙令遷東都留守
判官拜戶部員外郎貞元中出爲婺登二州刺史平
生工詩文每從烹鍊而出今並傳之

竇鞏

鞏字友封狀貌魁偉少博覽無不通性豪放好談古
今戶外多長者車轍時諸兄已達鞏尙困於場屋頗
違初志作放魚詩云黃金贖得免刀痕聞道禽魚亦
感恩好去長江千萬里不須辛苦上龍門人知其述
懷也元和二年王源中榜進士佐淄青幕府累遷秘
書少監拜御史中丞仕終武昌觀察副使史平居與
人言不輕出口時號爲囁嚅翁云

劉言史

言史趙州人也少尙氣節不舉進士工詩典麗喬皇
少有其匹與李賀孟郊結爲契友冀鎮節度使王武

俊頗好詞藝言史造之特加敬焉武俊嘗獵有雙鴨
起蒲稗間一矢貫之遂於馬上草射鴨歌以獻因表
薦請官詔投棗強令辭疾不就當世重之時相國隴
西公李夷簡爲漢南節度與言史少同遊習因遣以
襄陽髹器千事賂武俊請之由是爲漢南幕賓日與
談讌歌詩唱答大展其才問言史所欲爲曰司功掾
甚閒可免契闊公諾之分雖官曹而敬待如昨歲餘
奏陞秩詔下之日無疾而終公初以言史相薄不欲
貴以惜其壽至是慟哭之曰果然微祿殺吾愛客也
厚葬於襄城皮日休稱其賦雕金篆玉牢奇籠怪百
鍛爲字千煉成句真佳作也有歌詩六卷今傳

劉商

商字子夏徐州彭城人擢進士第貞元中累官比部
員外郎改虞部員外郎數年遷檢校兵部郎中後出
爲汴州觀察判官辭疾挂印歸舊業商性好酒苦家
貧嘗對花臨月悠然獨酌亢音長謠放適自遂賦詩
曰春草秋風老此身一瓢長醉任家貧醒來還愛浮
萍草漂寄官河不屬人樂賦歌詩高雅殊絕擬蔡琰
胡笳曲膾炙當時并工畫山水樹石初師吳郡張操
後自造極張貶衡州司馬有惆悵之詩又好神仙修

鍊法隱於義興胡父渚結侶幽人世傳冲虛而去可
謂江海冥滅山林長往者矣集十卷今傳武元衡爲
之序對齊宮西不圖人樂知難結高無寂滅
日春草綠風生北長一應是猶五寒貧歸來
竟嘗蓬茲翻日愁然繼酒之音是齋賦自
識有地購察其官權寒其印儲營業商其
貝水瀨如製帶員水瀨燻平懸劍舞只
開字于夏斜地遠地人對舞士節貞元中
樂官其

唐才子傳卷第四

